



Broj: 05/7-39-1-178-62/20

Sarajevo, 11. 8. 2020.

Z A P I S N I K

62. sjednice Vijeća nacionalnih manjina BiH, održane 11. 8. 2020.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Tijana Vučurević, Marija Grbić, Hakan Varan, Eva Pašić-Juhas, Mladen Radmilović, Halil Bicaj, Jakob Finci, Dejan Piotrovski i Vjeročka Gajić.

Sjednici su, također, prisustvovali: Adnan Jasika, predstavnik Ministarstva za ljudska prava i izbjeglice BiH, Enver Bogučanin iz Sektora za odnose s javnošću Sekretarijata Parlamentarne skupštine BiH i Anđelka Dobrilović-Rajak, stručna saradnica u Zajedničkoj komisiji za ljudska prava.

Za sjednicu je predložen sljedeći

D N E V N I R E D

1. Usvajanje Zapisnika 61. sjednice Vijeća nacionalnih manjina BiH;
2. Informacija Ministarstva za ljudska prava i izbjeglice BiH o Preporukama Vijeća Evrope o uključivanju historije Roma i/ili putnika u školske programe i nastavna sredstva;
3. Tekuća pitanja:

- a) Informacija o utrošku sredstava Vijeća nacionalnih manjina BiH i planiranje budućih aktivnosti,
- b) Odgovor Centralne izborne komisije u vezi s dopisom broj: 0/7-39-1-178-61120 od 20. 7. 2020.

Ad. 1. Usvajanje Zapisnika 61. sjednice Vijeća nacionalnih manjina BiH

Predsjedavajući Vijeća nacionalnih manjina BiH, otvorio je raspravu po ovoj tački dnevnog reda. Obzirom da rasprave nije bilo, pristupilo se glasanju, te je zapisnik jednoglasno usvojen.

Ad. 2. Informacija Ministarstva za ljudska prava i izbjeglice BiH o Preporukama Vijeća Evrope o uključivanju historije Roma i/ili putnika u školske programe i nastavna sredstva

Predsjedavajući Vijeća Andrija Svatok dao je riječ predstavniku Ministarstva za ljudska prava i izbjeglice BiH Adnanu Jasiki, koji je prisutne upoznao o pojedinostima Informacije o Preporukama Vijeća Evrope o uključivanju historije Roma i/ili putnika u školske programe i nastavna sredstva, te istakao da je Ministarstvo za ljudska prava i izbjeglice BiH prethodni mjesec zaprimilo navedene preporuke, koje su upućene na prevođenje i lektoriranje na jezike u službenoj upotrebi u BiH, nakon čega će biti upućene nadležnim institucijama, svim vladama i svim ministarstvima obrazovanja, kao i Vijeću nacionalnih manjina BiH. Način praćenja Preporuka bit će naknadno definiran. Istovremeno, izneseno je i obrazloženje u vezi s preduzetim aktivnostima na izradi Akcionog plana za Rome 2021 - 2025. godina. Naime, Ministarstvo za ljudska prava i izbjeglice BiH pokrenulo je aktivnosti na izradi novog akcionog plana za Rome, a ono što je karakteristika jeste da će on uključivati i obrazovanje. Ministarstvo za ljudska prava i izbjeglice BiH zatražilo je formiranje radnih grupa koje će raditi na izradi ovog akcionog plana.

Predsjedavajući Vijeća otvorio je raspravu u vezi s navedenom tačkom dnevnog reda. U raspravi su učestvovali: Nedžad Jusić, Eva Pašić-Juhas, Andrija Svatok, predsjedavajući Vijeća, i Adnan Jasika, predstavnik Ministarstva za ljudska prava i izbjeglice BiH.

Nakon rasprave, članovi Vijeća jednoglasno su primili k znanju navedene informacije.

Ad. 3. Tekuća pitanja

a) Informacija o utrošku sredstava Vijeća nacionalnih manjina BiH i planiranje budućih aktivnosti

b) Odgovor Centralne izborne komisije u vezi s dopisom broj: 0/7-39-1-178-61120 od 20. 7. 2020.

a) Informacija o utrošku sredstava Vijeća nacionalnih manjina BiH i planiranje budućih aktivnosti

U okviru ove tačke dnevnog reda predsjedavajući Vijeća Andrija Svatok konstatirao je da je Ured sekretara Zajedničke komisije za ljudska prava prikupio informacije o preostalim finansijskim sredstvima Vijeća i mogućnostima njihove prenamjene. Naime, Vijeće nacionalnih manjina ima dio sredstava u okviru budžeta Parlamentarne skupštine BiH u iznosu od 174.000 KM za 2020. godinu. Ovaj iznos namijenjen je za pokrivanje troškova naknada za rad, reprezentaciju i službena putovanja.

Predsjedavajući Vijeća otvorio je raspravu u vezi s navedenom tačkom dnevnog reda. U raspravi su učestvovali: Andrija Svatok, predsjedavajući Vijeća, i Nedžad Jusić.

Članovi Vijeća jednoglasno su primili k znanju navedenu informaciju i usvojili odluku da Vijeće nacionalnih manjina organizira obuke kojima će se poboljšati rad Vijeća i na kojima će se razmotriti pitanja u pogledu rada organizacija nacionalnih manjina u novonastaloj situaciji u vezi s pandemijom COVID-19 u BiH. Predloženo je da sekretarijat Zajedničke komisije za ljudska prava pripremi informacije o mogućnostima da se obuka, 63. sjednica Vijeća i tematska sjednica o radu organizacija nacionalnih manjina u novonastaloj situaciji u vezi s pandemijom COVID-19 organiziraju u Neumu.

b) Odgovor Centralne izborne komisije u vezi s dopisom broj: 0/7-39-1-178-61120 od 20. 7. 2020.

Predsjedavajući Vijeća izvijestio je prisutne da je Vijeće zaprimilo **odgovor Centralne izborne komisije u vezi s dopisom broj: 0/7-39-1-178-61120 od 20. 7. 2020.**

Članovi Vijeća jednoglasno su primili k znanju navedenu informaciju.

Sjednica Vijeća nacionalnih manjina BiH završena je u 17.50 sati.

Sastavni dio Zapisnika je tonski snimak 62. sjednice Vijeća nacionalnih manjina BiH.

Stručna saradnica u Zajedničkoj komisiji

za ljudska prava

Andelka Dobrilović-Rajak

Predsjedavajući

Vijeća nacionalnih manjina BiH

Andrija Svatok